

Musica


Grandioso homenaje na Sr. Fечи Geerman

ORANJESTAD (AAN) Diasabra 2 di Maart 1991, lo bay tin den Hoffie Sero Janchi un grandioso homenahe, na Sr. Fечи Geerman., cu ta un di e tocadornan di wiri, cu tin masha aña tocando.

Fечи a cuminza toca wiri na edad di apenas 17 aña cu difunto Cha Fai Croes. Alavez Fечи a toca cu caha Blenchi Gloria di Marco Thiel en felis memoria, caha di Cornis Noguera, caha di difunto Ildo Kock, Ignacio Maduro, "El Cantor", "El Preferido", "El Especial", El Prufiado", Caha di Cosa Buena, No me Olvide, Flor del Campo, Primavera, Flor di Mayo, Sin igual, Arubanita, El Diamante, Melodia di Antaño, El Negrito Maldito, Sorpresa, y Mi Recuerdo.

Fечи Geerman a toca wiri pa conhunto di Motito Croes, esta folklorico Arubano. E prome caha cu Fечи a toca tabata Voz del Campo. Actualmente Fечи di 72 aña y a cumpli 52 aña tocando caha y tambe wiri.

Durante e homenahe lo ser entrega un plaque na Fечи,



pa su aporte duna na nòs cultura. E homenahe lo bay ta a estilo di un festival di caha di Orgel, unda tur caha nan presente lo toca na honor di Fечи Geerman.

Doñonan di caha cu ta interesa pa tuma parti na e homenahe na Fечи Geerman, ta ser pidi pa tuma contacto cu Chua Faro na telefoon 26834 of cu Sr. Hubert Tromp na Jaburibari 23.

Durante e festival lo ser teni e

tan spera contest di Lambada di Caha di Orgel. Esta baile di Lambada pero di caha di orgel. Pareha nan cu kier participa ta ser pidi pa cuminza train di awor, pasobra e competencia lo ta pisa.

Riba e foto por mira Señor Fечи Geerman tocando wiri pa Sr. Chon Pin Geerman, esta caha di orgel Mi Recuerdo, tempo cu e caha aki ainda tabata pertenece na Chon Pin.